

Ilanngussaqq 6-2



**Ineqarnermut Attaveqarnermullu
Naalakkersuisoq**

Ulloq: 21. september 2018
J.nr.: 01.25.01/18XM-LABU-21

**Oqaluuserisassani immikkoortoq IIA 2018/21-imut Aningaasaqarnermut
Akileraartarnermullu Ataatsimiititaliap apeqputai.**

Uunga siunnersuut: Nuummi Ilulissanilu nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaanut, ingerlanneqarnissaanut aningaasalersorneqarnissaanullu killiliussatut piumasaaqatit pillugit Inatsisartut inatsisaat nr. xx af xx. xxx 2018-imeersoq.

**Aningaasaqarnermut Akileraartarnermullu Ataatsimiititaliap oqaaseqaatai
apeqqutaalu:**

Ataatsimut isigalugu:

Apeqqutinut matuma kingulianiittunut tunngatillugu Inatsisartut Naalakkersuisullu pillugit Inatsisartut inatsisaanni § 17-imi aalajangersakkat ataatsimiititaliamit ataatsimut isigalugu tunngavigineqarput.

Ilanngaateqanngitsumik akileraartitsineq pillugu:

21. augustimi arlalinnik apeqquteqarnermini apeqput 68-itut ataatsimiititaliaq ima aperivoq: Mittarfissat nutaat sanaartortitsisunit nunanit allaneersunit aammalu nunanit allaneersunit sulisulinnit kommunit akileraarutinik akiliisussaangitsunit sanaartorneqarnissaat pisortanit toqqarneqarpat, tamanna sanaartugassanut anginerusunut allanut maligassiuisinnaava?

Naalakkersuisut maligassiuisussatut isiginngilaat, aalajangersagarmi inatsimmik allanngiunerup akuerineqartup (UKA 2017/38) kingunerimmagu. Apeqqummut tassunga aammalu Naalakkersuisut akissutaannut malitseqartitsissutitut apeqqutit makku akineqarnissaat kissaatigineqarpoq:

- 1) Sulisut nunanit allaneersut ilanngaateqanngitsumik akileraartinneqarnissaannik periarfissaq kisimi atorneqassasoq Naalakkersuisunit aalajangiunneqarpa?
- 2) Taamaassimappat kommunit 2017-imi ukiakkut tamatuminnga isorinnittut Naalakkersuisunit oqaloqatigineqarpat?
- 3) Taamaassimappat kommunimut akileraarutinik akileraartussaatsinnginneq kommuninut qanoq isumaqarfigineqarpa?
- 4) Mittarfiliornerit tamarmik illoqarfimmut qanittumi ingerlanneqartussaanerat, taamaattumillu suliniutini angisuuni manna tikillugu periarfissaasuni illoqarfiillu killeqarfiisa avataanniittuni sulisartussat assignagit kommunimut akileraarutinik akiliuteqarnatik sanaartortut illoqarfinni neqeroorutinik, soorlu sunngiffimmi sammi-

sassanik aqqusinernik il.il., atuisussaanerisa naatsorsuutigineqartariaqarnera Naalakkersuisunut qanoq isumaliuteqartitsiva?

- 5) Sanaartugassani pineqartuni avatangiisinut sunniutissat pillugit nassuiaasiorfiusariaqartuni avatangiisinut sunniutissat pillugit nassuiaatit qanoq ilisukkut piareertussatut naatsorsuutigineqarpat?

Mittarfiit sanaartorneqarnissaannik tullerijaaarinet:

- 1) Mittarfiit piffissaq eqqarsaatigalugu ataatsikkut sanaartorneqarnatik tullerijaaarlugit sanaartorneqarpata aningaasaqarnermut tunngasut qanoq issappat? Neqeroortitsiner-mut atatillugu neqerooruteqartut (ingerlatseqatigiiffiup ataatsimeeqatigineqarnerani KAIR-imit paasissutissiissutigineqartut) apeqqummik tamatuminnga immaqa paasinarsisitsinissaat utaqqineqassanngitsoq, kisitsisilli maannangaaq paasinarsisinnegareertariaqartut ataatsimiititaliaq isumaqarpoq.

Kangerlussuaq pillugu:

- 1) Nalunaarusiami "Kangerlussuup mittarfiata siunissaa pillugu periarfissatut ilusiliat tallimat" allassimavoq Kangerlussuarmi mittarfiup ator-neqarnissaa pillugu Illersornissaqarfik kiffartuussinissamik isumaqatigiissuteqarfigineqarsimasoq aammalu isumaqatigiissut taanna 2020-imi atorunnaassasoq. 2020-ip kingorna qanoq pisoqarnissaa pillugu danskit naalagaaffiannik Illersornissaqarfimilluunniit oqaloqatiginninerit Naalakkersuisunit aallartinneqarsimappat?
- 2) Illersornissaqarfiup USAF-illu Kangerlussuarmi minnissamut ingerlatsinissamullu maanna periarfissarisasaasiunissami Kalaallit Nunaanni ingerlaannarnissaat Naalakkersuisunit kissaatigineqarpa?
- 3) Taamaassimappat assersuutigalugu sakkutooqarfiup nunaminertamik atuinissamik pisariaqartitsinera, nalunaarusiami maanna 140.000 m²-erisut annertussuseqartutut nassuiaatigineqartoq pillugu Naalakkersuisut qanoq isumaliuteqarpat?
- 4) Mittarfiit arlaanni sakkutooqarfiup nunaminertamik atuinissamut siunissami pisariaqartitsinera qanoq annertutigissava?
- 5) Siunissami aqqissuussinissamik pisariaqartitsineq pillugu Danmarkimik USA-milluunniit isumaqatiginninniarnit Naalakkersuisunit aallartinneqarpat?
- 6) Ullumikkutut annertutigisumik, annikinnerusumik annertunerusumilluunniit pisariaqartitsisoqarnissaa naatsorsuutigineqarpa?
- 7) Kangerlussuaq periarfissatut ilusiliamut 3, 4 imaluunniit 5-imut annikillilerneqassappat mittarfimmi allami sakkutooqarfiup nunaminertamik atugassaanik sanaartortoqassava?
- 8) Nalunaarusiami allassimavoq Kangerlussuarmi mittarfiup atoreranaut Illersornissaqarfik nunatta karsianut Mittarfeqarfimmullu toqqaanartumik 6,4 mio. kr.-inik akiliuteqartartoq. Aningaasat taakku ukiumoortuuppat aammalu nalunaarusiami paasissutissiissutigineqartutut Mittarfeqarfinnit illunik assigiinngitsunik attartorneq ilaatinneqarpa?
- 9) Kangerlussuup annikillisaavigineqarnerani illersornissaqarfiup pisariaqartitai isumaqineqanngippata Nuummi Ilulissaniluunniit taama attartornissamut isumaqatigiissuteqarnissamulluunniit periarfissat qanoq issappat?

Apeqqutitut siuliani allassimasunut akissutit kingusinnerpaamik ullut suliffiit 14-it qaangiuppata tiguneqarnissaat assilinerisalu kalaallisut danskisullu saam@ina.gl-imut nassiunneqarnissaat ataatsimiititaliamit naatsorsuutigineqarpoq.

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua



Inatsisartut Aningaasaqarnermut Akileraartarnermullu Ataatsimiititaliaa
/Maani

**Mittarfiit pillugit Aningaasaqarnermut Akileraartarnermullu Ataatsimiititaliap
apeqquteqaataannut akissut**

17-10-2018
Suliaq normu: 2018-19628
Id normu: 34201429

Ataatsimiititaliaq inatsisissatut siunnersuummik matuminnga sukumiisumik
suliarininneranut, minnerunngitsumillu apeqqutinut tiguneqartunut qutsavigaara.

Matuma kinguliani apeqqutit apeqquteqaammi tulleriinneri ilusiligaanerilu malillugit
akissuteqarfigaakka.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Ilanngaateqanngitsumik akileraartitsineq pillugu:

**Apeqqut 1: Sulisut nunanit allaneersut ilanngaateqanngitsumik
akileraartinneqarnissaannik periarfissaq kisimi atorneqassasoq Naalakkersuisunit
aalajangiunneqarpa?**

Akissut: Aningaasaqarnermut Naalakkersuisoqarfik paasissutissiivoq:
"Mittarfiliasanut Namminersorlutik Oqartussat sinnerlugit sananeqartussanut
tunngatillugu, sulisussat avataaneersut suliassani suliffissarsisimasinnaasut,
aallaaviatigut ilanngaateqanngitsumik akileraarusiisarnermik aaqqissuussinermut
pineqartunut ilaasussaammata, uppørnarsarneqarsinnaavoq.

Sulisartut avataaneersut, Namminersorlutik Oqartussat mittarfiliasaanni sulisut,
ilanngaateqanngitsumik akileraarusiisarnermut aaqqissuussinermi pineqartunut
ilaatinneqassanersut ilaatinneqassannginnersulluunniit aalajangiinissamut
Naalakkersuisut inatsimmi piginnaatinneqanngillat. Taamaattoqassappat
aningaasarsianit akileraarutit pillugit Inatsisartut inatsisaanni aalajangersakkat
malinneqartussaapput. (Aalajangersimasumik § 72, a, imm. 1, takuuk § 67, imm. 2.
Tamatuma saniatigut aningaasarsianit akileraarutit pillugit Inatsisartut inatsisaata
allanngortinneqarnera pillugu Inatsisartut inatsisaat nr. 48, 23. november 2017-imeersoq
innersuussutigineqarpoq.)

Inatsisissatut siunnersuutip taassuma saqqummiunneqarnerani taamanikkut
Aningaasaqarnermut Akileraartarnermullu Naalakkersuisuisoq, Aqqaluaq B. Egede,
Inuit Ataqaqtiit, ilaatigut imatut oqarpoq:

*'Maleruagassat atuuttut malillugit akileraarutinit A-nit pissarsiassat, agguaanissaq
aalajangersagaasoq malillugu Namminersorlutik Oqartussanut aamma kommuninut
tutsinneqartussaapput. Namminersorlutik Oqartussat mittarfinnut nutaanut
aningaasalersuineranut akiliutissaasa annertusitissinnaanissaat siunertaralugu,
sulisartunit avataaneersunit mittarfiliasanik sanaartornermi peqataasunit, akileraarutit
A-t taamaallaat nunap karsianut tutsinneqassasut, siunnersuutigineqarpoq.
Aaqqissuussineq siunnersuutigineqartoq, aatsitassarsiornerup iluani atuutereersunut
annertuumik assinguvoq. Sulisartut avataaneersut pineqartunut ilaasut kommuninut,*

assersuutigalugu suliffissaarunnermi ikiorsiissutitut, meeqqat atuarfiinut imaluunniit meeqqanik paaqqinninnermut, qaffasinnerusumik aningaasartuuteqartitsilerlutik nammakkersuisussaassanngitsut eqqumaffigineqarnissaa pingaaruteqarpoq.

Inuit akileraarutaannit isertitat immikkut ittut taakkua, mittarfinnik nutaanik sanaartornermi pissarsiarineqartussatut naatsorsuutigineqartut, ilaasa nuna tamakkerlugu iluaqutaasumik nammaqatigiissumik atorineqarnissaat, siunnersuummi periarfissiissutigineqarpoq.

Nunap karsiata isertitaasa taakkua, mittarfinnik nutaanik arlalinnik sanaartornermut nunap karsiata aningaasalersuutissai annertusitissinnaalissavai. Nunap karsianit qaffasinnerusumik aningaasalersuineri taarsigassarsinissaq mittarfillassanut ingerlatseqatigiiffimmi Kalaallit Airports A/S-imi pisusaaq, annikillisinneqarsinnaassasoq naatsorsuutigineqarpoq, tamatumalu ingerlatseqatigiiffiup siunissami ernianut aningaasartuutaat annikillissavai aammalu suliassami aningaasaqarneq pitsaanerulersissallugu aamma atuisunit akiliuteqarneq appasinnerulersissallugu.'

Aningaasarsianit akileraarutitut inatsisip allanngortinneqarnera taamanikkut Inatsisartuni atituumik amerlanerussuteqartunit akuerineqarpoq (20-it tapersiillutik aammalu 4-t akerliullutik taasipput)."

Apeqqu 2: Taamaassimappat kommunit 2017-imi ukiakkut tamatumingna isorinnittut Naalakkersuisunit oqaloqatigineqarpat?

Akissut: Aningaasaqarnermut Naalakkersuisoqarfik paasissutissiivoq:

"Naalakkersuisut kommuninut ingerlaavartumik oqaloqatiginnittarput, ilanngullugu Naalakkersuinikkut Ataqaatigiissaarisogaatigiinni (PKG) politikikkut qaffasissumik inissisimasuni. Kommunit tassani mittarfinnut aningaasaliinissamik pilersaarutitut atatillugu sulisussat avataaneersut ilanngaateqanngitsumik akileraaruserneqartarnissaat pillugu apeqqutip 2017-imi ukiaanerani imaluunniit tamatuma kingorna oqaluuserisassaniitinnissaanut, pissutissaqartitsisimangillat."

Apeqqu 3: Taamaassimappat kommunimut akileraarutini akileraartussaatisinnginneq kommuninut qanoq isumaqarfigineqarpat?

Akissut: Aningaasaqarnermut Naalakkersuisoqarfik paasissutissiivoq:

"Kommunit apeqqummut isumaat Naalakkersuisut eqqortumik oqaatigisinnaangilaat. Tamatuma saniatigut piffissap ingerlanerani kommunit isumaat allanngorsimasinnaavoq.

Kommunit ilanngaateqanngitsumik akileraartarnermut aqqissuussinerup naleqqussarnissaanut isumartik, 2017-imi ukiaanerani ataatsimiinnermi siunnersuutip suliarineqarnissaa sioqqullugu oqaatigaat. Kommunit tusarniaanermut akissuteqaataat, kiisalu taamanikkut Naalakkersuisuniit oqaaseqaatit, ilanngussatut ilanngunneqarput.

Najoqqutassat siusinnerusukkut Aningaasaqarnermut Akileraartarnermullu Ataatsimiititaliamut nassiunneqareersimapput.

Kommunit taamanikkut KANUKOKA aqqutigalugu oqaatigaat, mittarfillornermi sapinngisamik najugaqavissuniit annertunerpaamik sulisussarsisoqassasoq. Taamatut isumaqarneq Naalakkersuisut isumaqatigaat.

Tamatuma saniatigut ullumikkumut paasinnineq – immaq Kommuneqarfik Sermersooq eqqaassanngikkaanni – ataatsimut isigalugu, tunngavilersuutit pingaernerit ilanngaateqanngitsumik akileraartarnermut aaqqissuusaanermut tunngaviusut kommunit akornanni paasilluarneqartut.

Siullermik sulisut nunanit allaneersut aningaasarsiaannit akileraarutinit isertitat, mittarfiliassat ingerlanneqarneranneersut, suliassanut aningaasalersuinermit ilaatinneqarput. Tassani katillugit 300 mio. koruunit pineqarput, Nunap Karsianit pissarsiarineqartussap, nammineq aningaasaatinit aningaasalersuinerup tamarmiusup ilai annertuut. Ilanngaateqanngitsumik akileraarutinit isertitatut iluseqartinneqanngippata, sipaarutissanik imaluunniit isertitaqarnerunissamik allani ugartuisoqartussaassaaq.

Aappaattut kommunit inuiaqatigiit tungaanniit mittarfinnut annertuumik aningaasaliiviusut, aningaasaliinernit iluaqutissartaasut tamaasa nammineerlutik pissarsiarissagaat naatsorsuutigineqarsinnaanngilaq. Taamaalluni nammaqatigiinneq isigalugu sanaartugassat pilersaarusiorneqarnerat aallarnisarneqamerallu, kommuninit pineqartunit akileraarutinit isertitat ilaanniit pissarsinngitsuussutigissavaat, suliassami pingaarnertigut aningaasaqarnermut piviusunngortitsinissamillu iluaqutaasumik ilanngaateqartartussaammata.”

Apeqqu 4: Mittarfiliernerit tamarmik illoqarfimmut qanittumi ingerlanneqartussaanagerat, taamaattumillu suliniutini angisuuni manna tikillugu periarfissaasuni illoqarfiillu killeqarfiisa avataanniittuni sulisartussat assignagit kommunimut akileraarutinit akiliuteqarnatik sanaartortut illoqarfinni neqeroorutinit, soorlu sunngiffimmi sammisassanik aqqusinernik il.il., atuisusaanerisa naatsorsuutigineqartariaqarnera Naalackersuisunut qanoq isumaliuteqartitsiva?

Akissut: Aningaasaqarnermut Naalackersuisoqarfik paasissutissiivoq:

”Suliassanit illoqarfiit nunaqarfiillu pioreersut avataanniittunit qaffasinnerusumik pisortanit ikiorsiissutinik aamma neqeroorutinit atuinissamik mittarfiliassat pissutissaqalersitsisinnaasut eqqorpoq.

Taamaattoq oqaatigineqassaaq ilanngaateqanngitsumik akileraartarnermut aaqqissuussinermi, inuit qaammatit arfinillit kingullit iluanni Kalaallit Nunaanni kommunimut akileraartussaataasimasut, pineqartunut ilaanngimmata. Akileraartartut taakkua nalinginnaasumik akileraartarnermut maleruagassani pineqartunut ilaapput aammalu iluanaarutit kommunit aamma nunap karsiata akornanni maleruagassat nalinginnaasut malillugit agguarneqartussaallutik.

Tulliullugu erseqqissarneqassaaq, sulisussat nunanit allaneersut sanaartugassani taamaattuni sulisuusut, ataatsimut isigalugu, nunatsinniinnerminni pisortanit ikiorsiissutinik, soorlu ulluunerani paaqqinnittarfinnik aamma meeqqat atuariinik annikitsuaraannarmik atuisassasut naatsorsuutigineqartariaqartoq. Tamatumunnga pingaartumik pissutaavoq, sulisartut qaqutiguinnaq ilaqtaminnik meeqqaminnillu ilagisaqartarnerat, tassani sivikitsuinnarmik suliarortarneq pineqarmat.

Illimagineqartariaqarpoq sulisussat avataaneersut pingaartumik napparsimavimmit peqqinnissaqarfimmillu sullissinerit annertunerulernerannik malitseqassasut naatsorsuutigineqarsinnaasooq. Taamaattoq peqqinnissaqarfik nunap karsianit

aningaasalersorneqarpoq, taamaattumik tamanna kommunit aningaasaqarnerannut sunniisussaani.

Tulliullugu oqaatigineqassaaq, kommunit ataasiakkaat suliassanit suli aningaasaqarnikkut iluanaaruteqartussaammata, ilaatigut sulisartunit najukkameersunit suliassani suliffissaqartinneqartunit, ilaatigullu suliassanut atasumik malittaasunik suliqaqarnit. Tassunga ilanngutissaaq tamatuma kingorna malittaasunik inuussutissarsiornerup ineriartomerulernissaanik naatsorsuutigisaqarnerup malitsigisaanik, ingerlatsinerup nalaani ungasissumut iluanaaruteqarnissap naatsorsuutigineqarnera, minnerunngitsumik takornariartsisarnermut suliassaqaqfik aallaavigalugu.”

Apeqquut 5: Sanaartugassani pineqartuni avatangiisinut sunniutissat pillugit nassuiaasiorfiusariaqartuni avatangiisinut sunniutissat pillugit nassuiaatit qanoq ilisukkut piareertussatut naatsorsuutigineqarpat?

Akissut: Nuummi aamma Ilulissani suliassani VVM-imut nassuiaasiornissaaq pisariaqarpoq. Nuummut aamma Ilulissanut VVM-imut nassuiaatit tamanut ammasumik tusarniaassutigineqareput aammalu ukioq naatinnagu politikikkut suliarineqassasut naatsorsuutigineqarluni.

Mittarfiit sanaartorneqarnissaannik tullerliarineq:

Apeqquut 1: Mittarfiit piffissaaq eqqarsaatigalugu ataatsikkut sanaartorneqarnatik tullerliarlugit sanaartorneqarpata aningaasaqarnermut tunngasut qanoq issappat? Neqeroortitsinerumut atatillugu neqerooruteqartut (ingerlatseqatigiiffiup ataatsimeeqatigineqarnerani KAIR-imit paasissutissiissutigineqartut) apeqquummik tamatuminnga immaqa paasinarsisitsinissaat utaaqqineqassanngitsoq, kisitsisilli maannangaaq paasinarsisinneqareertariaqartut ataatsimiititaliaq isumaqarpoq.

Akissut: Kalaallit Airports A/S paasissutissiivoq:

”Kalaallit Airports-ip Nuummi aamma Ilulissani mittarfiliornissanut piffissamut pilersaarutitut naatsorsuutigineqartut allanngussagaluarpata, sanaartornermut aningaasaqarnikkut sunniutaasussat arlaleriarluni nalilersorniarnikuuai. Kisiannili nalilersuinerit taamaattut annertoorujussuarmik nalorninartortaqarput, taamaattumillu sipaarutissaasinnaasut annertussusaannut tutsuiginartumik missingersuinissaaq iluatsissimanani. Taamaattoq Kalaallit Airports-ip sipaarutissanut periarfissat eqqumaffigiuannarpai, taamaattumillu aamma piffissamut pilersaarutitik allaanerusunik ilaqartumik neqerooruteqarnissamik entreprenørut piukkunneqartut qinnuiginiarlugit.”

Kalaallit Airports A/S-ip aamma paasissutissiissutigaa, suliassat immikkut illuinnartumik angissuseqarnerat pissutigalugu, piffissamut pilersaarutit nikisittariaqarnermut imaluunniit nikisittariaqannginnersut, najukkani sulisussat pissarsiarineqarsinnaasut aalajangiisuusumik pingaaruteqartussaannngitsut. Suliassat qanoq pisoqaraluarpalluunniit nunanit allaneersunik suligallartussanik amerlasoorpassuarnik pisariaqartitsiviusussaapput.

Aammattaaq oqaatigineqassaaq, mittarfiit nutaamik ilusiligaaneranni iluanaarutissatut naatsorsuutigineqartut, annertusaaneq tamakkiisumik piviusunngortinneqareerpat aammalu mittarfiit pingasut taakkua tamarmik atorneqalereerpat, aatsaat inaarutaasumik atuutilertussaammata.

Kangerlussuaq pillugu:

Apeqqu 1: Nalunaarusiami "Kangerlussuup mittarfiata siunissaa pillugu periarfissatut ilusiliat tallimat" allassimavoq Kangerlussuarmi mittarfiup atornerqarnissaa pillugu Illersornissaqarfik kiffartuussinissamik isumaqatigiissuteqarfigineqarsimasoq aammalu isumaqatigiissut taanna 2020-imi atorunnaassasoq. 2020-ip kingorna qanoq pisoqarnissaa pillugu danskit naalagaaffiannik Illersornissaqarfimilluunniit oqaloqatiginninnerit Naalakkersuisunit aallartinneqarsimappat?

Akissut: Nunanut Allanut Naalakkersuisoqarfik paasissutissiivoq:

"Paasissutissiissutigineqarsinnaavoq, Kalaallit Nunaanni mittarfiit ilusiligaanerisa annertusarneqarnissaa pillugu Naalakkersuisut pilersaarutaat pillugit danskit naalakkersuisui ingerlaavartumik ilisimatinneqartartut, takuuk ilaatigut Nuummi aamma Ilulissani mittarfinni danskit aningaasaliinissaat pillugu ministeriunerup aamma Naalakkersuisut Siulittaasuata isumaqatigiissutaat 10. septembari 2018-imeersoq.

Soorlu tamanna aamma Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisissaannut Naalakkersuisut siunnersuutaannut nassuiaatini allassimasoq, Kangerlussuup siunissaa suli isummerfigineqanngilaq."

Apeqqu 2: Illersornissaqarfiup USAF-illu Kangerlussuarmi minnissamut ingerlatsinissamullu maanna periarfissarisasa siunissami Kalaallit Nunaanni ingerlaannarnissaat Naalakkersuisunit kissaatigineqarpa?

Akissut: Nunanut Allanut Naalakkersuisoqarfik paasissutissiivoq:

"Apeqqutit sakkutooqarnermut teknikkimut tunngasut Naalakkersuisut akissuteqarfigisinnaanngilaat, tassami tamanna suliassaqarfimmut akisussaaffigilerlugu tiguneqarsimangitsaq, tamatuma saniatigut Kangerlussuaq pillugu immikkoortup ataani apeqqu 1-imut akissut innersuussutigineqarpoq."

Apeqqu 3: Taamaassimappat assersuutigalugu sakkutooqarfiup nunaminertamik atuinissamik pisariaqartitsinera, nalunaarusiami maanna 140.000 m²-erisut annertussuseqartutut nassuiaatigineqartoq pillugu Naalakkersuisut qanoq isumaliuteqarpat?

Akissut: Nunanut Allanut Naalakkersuisoqarfik paasissutissiivoq:

"Illersornissamut susassaqarfiit danskit naalagaaffiannit isumagineqarput, aammalu suliassaqarfiulluni akisussaaffigilerlugu tiguneqarsimangitsaq. Taamaallutik Naalakkersuisut apeqqutit sakkutooqarnermut teknikkimut tunngasut akissuteqarfigisinnaanngilaat, taamaattumillu Naalakkersuisut tungaanniit Illersornissaqarfiup pisariaqartitsineranut tunngasorpianut aamma USAF-ip sakkutooqarfimmut nunaminertamik atuinissamik pisariaqartitsineranut tunngasunik isumaliutersuuteqartoqarsimangilaq."

Apeqqu 4: Mittarfiit arlaanni sakkutooqarfiup nunaminertamik atuinissamut siunissami pisariaqartitsinera qanoq annertutigissava?

Akissut: Nunanut Allanut Naalakkersuisoqarfik paasissutissiivoq:

"Illersornissamut susassaqarfiit danskit naalagaaffiannit isumagineqarput, aammalu suliasaqqarfiulluni akisussaaffigilerlugu tiguneqarsimanngitsaq. Taamaalillutik Naalakkersuisut apeqqutit sakkutooqarnermut teknikkimut tunngasut akissuteqarfigisinnaangilaat."

Apeqqut 5: Siunissami aqqissuussinissamik pisariaqartitsineq pillugu Danmarkimik USA-milluunniit isumaqatiginninniarnit Naalakkersuisunit aallartinneqarpat?

Akissut: Nunanut Allanut Naalakkersuisoqarfik paasissutissiivoq:

"Danmark aamma USA Naalakkersuisut Kalaallit Nunaanni mittarfiit ilusiligaanerannik annertusaanissaq pillugu pilersaarutai pillugit ilisimatinneqareerput. Tamatuma saniatigut apeqqummut 3-mut akissut innersuussutigineqarpoq."

Apeqqut 6: Ullumikkutut annertutigisumik, annikinnerusumik annertunerusumilluunniit pisariaqartitsisoqarnissaa naatsorsuutigineqarpa?

Akissut: Danskit illersornissaqarfiat sinnerlugu apeqqummut tassunga Naalakkersuisut akissuteqarsinnaangillat. Aammattaaq takuuk apeqqummut 7-imut aamma 9-mut akissutit matuma kingulianiittut.

Apeqqut 7: Kangerlussuaq periarfissatut ilusiliamut 3, 4 imaluunniit 5-imut annikillilerneqassappat mittarfimmi allami sakkutooqarfiup nunaminertamik atugassaanik sanaartortoqassava?

Akissut: Kalaallit Airports A/S-imi suliassani taamaallaat inuiaqatigiinni mittarfeqarfinnut tunngassuteqarput. Illersornissamut susassaqarfiit danskit naalagaaffiannit isumagineqarmata, taamaalilluni nunatsinni attaveqarnerup ineriartortinneqarneranut atatillugu sakkutooqarfinni sanaartugassanik pilersaarusiornissaq imaluunniit aningaasalersuinissaq Namminersorlutik Oqartussat suliassarinnigilai.

Apeqqut 8: Nalunaarusiami allassimavoq Kangerlussuarmi mittarfiup atorneranut Illersornissaqarfik nunatta karsianut Mittarfeqarfimmullu toqqaanartumik 6,4 mio. kr.-inik akililuteqartartoq. Aningaasat taakku ukiumoortuuppat aammalu nalunaarusiami paasissutissiissutigineqartut Mittarfeqarfinnit illunik assiglinngitsunik attartorneq ilaatinneqarpa?

Akissut: Aningaasat ukiumoortuupput, danskit naalagaaffiannit nunap karsia aqqutigalugu Mittarfeqarfinnut akilerneqartartut.

Isumaqatigiissutip oqaasertai makkuupput:

"3. Illuutit isumaqatigiissummi pineqartunut ilaasut

Sakkutooqarfiup timmisartunut inissiisarfik (S-518), sannaviit illutaat (S-516) kiisalu DLO inissiatooq (B-425) pigisaraa aammalu ingerlanneqarnerannut aningaasartuutit tamaasa akilissallugit. Tamatuma saniatigut sakkutooqarfiup illu 660 Mittarfeqarfinnit attartorpaa, takuuk attartornissamut isumaqatigiissut ilanngunneqartoq.

4. Attartukkat allat

Sakkutooqarfik imm. 3-imi allassimasut ataaniittut saniatigut attartulernissamik kissaateqarpat, tamanna inuussutissarsiornermut attartornermut maleruagassat nalinginnaasut malillugit pissaaq."

Illutat sakkutooqarfiup nammineerluni pigisaasa saniatigut, inuussutissarsiornermut attartukkanut maleruagassat nalinginnaasut malillugit attartornissamut isumaqatigiissuteqartoqarpoq. Illersornissamut ministereqarfiup aamma Mittarfeqarfiit akornanni isumaqatigiissummi, immikkoortoq 4, "B-660-ip attartorneqarnera" allassimavoq "Attartukkamut sakkutooqarfik 25.000 koruuninik annikillilikkamik attartornermut akiliisassaaq. Attartornermut akiliut Kalaallit Nunaanni akinut kisitsit atorlugu qaammatit tamaasa iluarsineqartassaaq." Attartornermi akiliut akinut kisitsimmut iluarsineq ilanngullugu ullumikkut qaammammut 30.000 koruuniuvoq. Illuut niuerfimmi atugassarititaasut tunngavigalugit attartortinneqassappat, Mittarfeqarfiit naliliivoq attartornermut akiliut qaffasinnerussagaluartoq.

Tassani oqaatigineqassaaq isumaqatigiissummi aningaasaqarneq annertunerpaatigut timmisartunut aqutsinermut tunngassuteqartoq. Isumaqatigiissutip malitsigisaanik Mittarfeqarfiit Kangerlussuarmi timmisartunut nakkutillivimmik ingerlatsiuaannartussaavoq (napasuliamit timmisartunik aqutsineq). Mittarfeqarfiit timmisartunik aqutsinermut aningaasartuutai ullumikkut qaammammut 1 mio. kr. missaanniipput, ukiumut 12 mio. kr. missaannik annertussuseqarlutik. Illersornissaqarfimmut isumaqatigiissummi tamanna pillugu allassimavoq: "Timmisartunik nakkutillivimmut aningaasartuutit sakkutooqarfiup susassarinnngilai." Kangerlussuarmi timmisartunik aqutsinerup ingerlattuannarnissaa pillugu isumaqatigiissummiittut taamaalillutik namminerimi Mittarfeqarfimmut paatsuugassaanngitsumik amigartoorutaasarpur.

Timmisartunik aqutsineq tunngaviatigut timmisartunut paasissutissiisarfinngorlugu (AFIS) annikillisinneqarsinnaavoq, soorlu tamanna Nuummi aamma Ilulissani nunanit tamalaanit mittarfissanut pilersaarutigineqartoq. Tamanna ingerlatsinerimi malunnaatilimmik akikinnerusussaavoq.

Apeqquut 9: Kangerlussuup annikillisaavigineqarnerani illersornissaqarfiup pisariaqartitai isumagineqanngippata Nuummi Ilulissaniluunniit taama attartornissamut isumaqatigiissuteqarnissamulluunniit periarfissat qanoq issappat?

Akissut: Takuuk apeqqummut 7-imut akissut. Illersornissaqarfik Nuummiinnissamik aamma Ilulissaniinnissamik immikkut pisariaqartitsippat kissaateqarlunilu, illersornissaqarfik sullitatut allatulli Kalaallit Airports A/S-imut oqaloqatigiinnermik aallartitsisussaassaaq.

Neriuutugalugu matuma siulianiittuni Ataatsimiititaliap apeqquteqaatai naammaginartumik akissuteqarfigisimassallugit, suliap Ataatsimiititaliami suliarineqarnerata aammalu Naalakkersuisut tamanna pillugu oqaloqatigineqarnerisa ingerlaqqinnissaat qilanaaraara.

Inussiarnersumik inuulluaqqusillunga


Simon Simonsen

Ilangussat:

Ilangussaq 1: Aningaasaqarnermut Akileraartarnermullu Ataatsimiititaliamut UKA 2017/38 (Ilangaateqanngitsumik akileraarut) pillugu allakkiaq ilangussassaq

Ilangussaq 2: Tusarniaanermi akissuteqaatinut allakkiaq UKA 2017/38

(Ilangaateqanngitsumik akileraarut) – Aningaasaqarnermut Naalackersuisoqarfik

Ilangussaq 3: Tusarniaanermi akissut UKA 2017/38 (Ilangaateqanngitsumik akileraarut) – Kommune Kujalleq

Ilangussaq 4: Tusarniaanermi akissut UKA 2017/38 (Ilangaateqanngitsumik akileraarut) – KANUKOKA

Ilangussaq 5: Tusarniaanermi akissut UKA 2017/38 (Ilangaateqanngitsumik akileraarut) – Kommuneqarfik Sermersooq

Ilangussaq 6: Tusarniaanermut akissuteqaat UKA 2017/38 (Ilangaateqanngitsumik akileraarut) – Aningaasaqarnermut Akileraartarnermullu Ataatsimiititaliamut mail-i



ILANNGUSSAQ 1

Finans- og Skatteudvalget
/Her

**UKA 2017/38 – Aningaasarsianit akileraarutit pillugit inatsisartut inatsisaata
allanngortinneqarnera pillugu Inatsisartut inatsisissaattut siunnersuut**

Inatsisissatut siunnersuutip sivikitsumik tusarniaassutigineqarnera Naalakkersuisut
suliaraat.

Ilanngullugu tusarniaanermi akissut pillugu allakkiaq allakkallu tusarniaanermut
akissutit ataatsimiittialiamut ilisimatitsissutitut nassiunneqarput

Brevdato: 13-11-2017
Sags nr. 2017 - 23260
Akt Id. 6614574

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Inussiarnersumik inuulluaqqusillunga

**EM 2017/38 - Forslag til: Inatsisartutlov om ændring af landstingslov om
indkomstskat**

Naalakkersuisut har foranlediget lovforslaget sendt i en kort høring.

Vedlagt fremsendes et høringsvarsnotat samt kopi af hørings svar til udvalgets
orientering.

Med venlig hilsen

Aqqaluaq B. Egede



ILANNGUSSAQ 2

Allakkiag Notat

Uunga
Til

Aningaasaqarnermut- Akileraartarnermullu
Ataatsimiittitaliaq

Allakkiap ullua: 13-11-2017
Suliap normua 2017 - 23260
Sullap suussusaa. 6614710

Assinga uunga
Kopi til

P. O. Box 1037
3900 Nuuk

Tel. (+299) 34 50 00
Fax (+299) 34 63 50

E-mail: oed@nanoq.gl
www.naalakkersuisut.gl

EM 2017/38 Tusarniaanermut akissutinik allakkiag

Ataasinngorneq ulloq novembarip 13-ianni nal. 9-miit nal. 16 tungaannut Inatsisissatut Siunnersuut tuaviortumik tusarniaanertut nassiunneqarpoq. Tamatuma saniatigut paasisutissinneqarput Siunnersuutip tamanut saqqummiunneqarnerani matuminnga assilisamik nassiussisoqarneratigut kommunit ilisimatinneqarput.

Tusarniaanermut piffissarititap naalernerani KANUKOKA-miit, Kommune Kujallermiit aammalu Kommuneqarfik Sermersuumiit tusarniaanermut akissutinik tikiuttoqarsimavoq.

Kakkiussatut ilanngussimasut innersuunneqartut, tusarniaanermut akissutit, tulliuttuni, annertuumik naalisakkatut aqqusaartorneqassapput.

Aningaasaqarnermut Akileraartarnermullu Naalakkersuisoqarfiup oqaaseqaatai *uingasumik* allataapput.

KANUKOKA

Tusarniaanermut akissuteqarnissamut periarfissamut KANUKOKA-miit qujassuteqartoqarpoq.

Kommunimi missingersuusiat inissingajalernerisa kingorna, Siunnersuut taama kingusitsigisukkut saqqummiunneqarmat KANUKOKA-miit naammagittaalliutiginneqarpoq.

KANUKOKA-miit kissaataajuarpog Mittarfinnut pilersaarutinut sapinngisamik sumiiffimmeersunik sulisoqarnissap atorneqartariaqarnera, tamakkiisumillu akileraaruteqartitsinermit ilusilersugaq, sumiiffimmi sulisunik atuinermut pitsanngorsaanissamut periarfissamut pilersaarutinut ajortunik sunniuteqartariaqanngitsog.

Mittarfinni pilersaarutinik sanaartornermi, sapinngisamik kalaallinik sulisoqarnissaq anguniagaavoq.

Tamakkiisumik akileraaruteqartitsinermik aaqqissuussinermik atulersitsineq tamatuminnga anguniakkamik ajortumik sunniuteqanngilaq.

Sulisitsisunut akileraartarnermullu aqutsisoqarfimmut iluaqutissatut avataaninngaaneersumut sulisumut akileraartarnermut piuminartumik nalunaarusiomissamut tamakkiisumik akileraaruteqartitsinermik aaqqissuussineq siunertarineqarpoq.


Tamatuma akerlianik akileraartartumut ataasiakkaamut annikinnerusumik akileraartitsisalernissamik, tamakkiisumik akileraaruteqartitsinermik aaqqissuussinermi siunertarineqanngilaq.

Isertitat akileraarutaasussat nalunaarsornerini, tamakkiisumik akileraaruteqartitsinermik aaqqissuussinermi, nalinginnaasumik ilanngaammut inummullu ilanngaammut aammalu allanut assigiisitsinissamut ilanngaatinut, akileraartussa periarfissaqanngilaq. Taamaattumik suliarineqarnerani, tamakkiisumik akileraaruteqartitsinermut aaqqissuussinermut ilaatinneqarnerminngaaniit, nalinginnaasumik akileraartarnissaq, akissarsiakinnernut iluaqutaassaaq.

58.000 kr.-inik inuttut- nalinginnaasumillu ilanngaatitalimmik, nalinginnaasumik 44 pct.-inik akileraartussamut sanilliullugu, inummut- aamma nalinginnaasumik ilanngaatitalimmik ukiumut 290.000 kr.-it ataallugit akissarsialinnut, sulisoq 35 pct.-inik tamakkiisumik akileraartussatut inissinneqarsimasoq, qaffasinnerusumik akileraartussatut inissisimassaaq.

58.000 kr.-inik inuttut- nalinginnaasumillu ilanngaatitalimmik, nalinginnaasumik 42 pct.-inik akileraartussamut sanilliullugu, inummut- aamma nalinginnaasumik ilanngaatitalimmik ukiumut 350.000 kr.-it ataallugit akissarsialinnut, sulisoq 35 pct.-inik tamakkiisumik akileraartussatut inissinneqarsimasoq, qaffasinnerusumik akileraartussatut inissisimassaaq.

akileraarnissamut ilusilersukkami sumiiffik apeqqutaatillugu tamakkiisumik akileraaruteqarnissamut aaqqissuussineq 290.000-niit 350.000 kr. sinnerlugit isertitaqartuulluni akileraartussamut oqinnerusumik akileraartitaanermik nassataqassasoq takuneqarsinnaavoq. Akileraarutissap katillugit procent-iannut apeqqutaassaaq titarnerit imminut naapiffiat. Tamanna ataani ilusilersukkami titartarnerini takuneqarsinnaavoq.



Assersuutigalugu akileraartussaq ernianut aningaasartuuteqaruni imaluunniit akilersuuteqaruni, aammattaaq tamanna nalinginnaasumik akileraartussamut pilerinartuussaaq, (tamakkiisumik akileraaruteqartitsinermut aaqqissuussinermut ilaatinneqarnermiit) tassami ernianut aningaasartuutit akilersuutillu akileraarutissat isertitanik nalunaarsuineri ilanngaatigineqarsinnaammata.

Tamaasa kattukkaanni, aaqqiineq akissarsiakitsitsivallaarnermut atorneqassasoq naatsorsuutigissallugu tunngavissaqanngilaq.

Kommuneqarfik Sermersooq (KS)

Piffissami inuuffigisatsinni sanaartugassatut pilersaarutini pingaarnepaatut kommunimiit isigineqartumi, mittarfiliornert aningaasalersornissaannut allatukkajaaq eqqarsarnissamut pisariaqartitsisoqartoq KS-imiit akuersaarneqarpoq.

Pissusissamisoorpoq, Siunnersuut avataaniit suliaartortunut taamaallaat sunniuteqassasoq. Tamanna pillugu Siunnersuummi aalajangersakkat takukkit. Taamaattoq Siunnersuummi allamiluunniit sumiiffimmeersut sulisut allameersullu sulisut agguataarnerinut takussutissaqanngilaq, taamaattumik Siunnersuutip aningaasatigut kingunerisassaanik Namminersorlutik Oqartussanut kommunimullu naatsorsuinissamut periarfissaqanngilaq.

KS-miit isumaqarfigineqarpoq, akileraartarnermut akileraarnermullu agguataarisarnermut nalinginnaasumut saneqqutsinissamut pisinnaatitsisunik pissutsinik atuuttoqangitsooq. Siunnersuut, pineqartunut assigiinngitsunut Namminersorlutik Oqartussat pilersaarutaannut – akileraartarnerpiaq eqqarsaatigalugu - »immikkut ittumik« sulissunneqartarnissaannut patsissatut periarfissanik ammaavoq.

Ajornartorsiutinut annerpaanut ilaasoq tassaavoq sumiiffinneersunik sulilersitsinissamik Siunnersuut iluaquusiinngimmat, taakkumi nalinginnaasumik akileraartussaapput, taamaattumillu nalinginnaasumik isumaqatigiissutinik akissarsiaqartinneqartussaallutik. Taamaattumik, naammassinissamut qaninnerpaaffiini akit nalinginut sunniisartutut,

Nuummi mittarfimmik sanaartorneq naleqassutsiminik annaasaqassaaq. Taamaattumik, avataaniit suliaartortunut naleqqiullugu sumiiffimmi sulisunut ajunngitsorsiassaqartitsinerunissamut aaqqiineq Kommuneqarfik Sermersuumiit qaquguluunniit piumaneqarneruvoq. Iluanaarummiit, sulisut tamarmik pissutsinik assigiinnik atugassaqartinneqarnissaat Kommuneqarfik Sermersuumiit pingaernerutinneqarpoq.

Eqqaaneqartariaqarpoq, tamakkiisumik akileraaruteqartitsinermit aaqqissuussinermit, qulaaniit isigalugu, avataaniit suliaartortunik akileraartitsinermit allaffissornikkut ajomannigsumik nalunaarsuinermit, Akileraartarnermit Aqutsisoqarfimmu sulisitsisunullu iluaqutaanissaa qulakkiissallugu siunertarineqarmat.

Aammattaaq KANUKOKA-miit tusarniaanermut akissummut innersuussisoqarpoq.

KS-miit isumaqarfigineqarpoq, Siunnersuut TONU-imik najoqqutassiamut (Tamakkiisumik Oqimaaqatigiissaarinermit Najoqqutassiaq Uigusamut) akerliusoq.

Namminersorlutik Oqartussat kommunillu akornanni isumaqatigiissummi isumaqatigiissutaavoq, taanna oqaatigineqartoq TONU-mik najoqqutassiaq (Tamakkiisumik Oqimaaqatigiissaarinermit Najoqqutassiaq Uigusaq) tassaassasoq maleruagassiuinermit atorussaq, Kommuninut kinguneqartussanik Namminersorlutik Oqartussat maleruagassanik allannguinermit suliaqarnerannut atatillugu atorneqartussaq. Ataatsimoortumik tapiissutit, kommuninut aningaasartuutaanerutut kingunerinut naligiissarneqassapput. Tamanna illugiimmik atuutissaaq, taamaalilluni maleruagassamik allannguneq Kommunip aningaasartuutaanik annikillitsippat, assinganik ataatsimoortumik tapiissutit annikillisinneqassallutik.

Kommunini sanaartornermit aningaasaliinerit assigiinngitsut naammassineqarnissaannut atatillugu TONU-mik najoqqutassiaq (Tamakkiisumik Oqimaaqatigiissaarinermit Najoqqutassiaq Uigusaq) (DUT princippet-imik qallunaatut taagorneqartoq) atorneqassanngilaq, tamakku sanaartornermit aningaasaliinerit Namminersorlutik Oqartussanik, kommunimit namminermit imaluunniit namminersortunit aningaasaliiffineqarnerisut apeqqutaatinnagu.

Suliami tamatumani pineqartumi Namminersorlutik Oqartussat annertuumik sanaartornermit aningaasaliilersaarput. Tamakku qularutissaanngitsumik kommunip attuumassuteqarfigineqartup aningaasaqarneranut pitsaasumik sunniuteqassapput. Taamaattooq tamanna sunniut TONU-mik najoqqutassiap siunertaata avataanut tutussaassaaq – taamaattumillu Namminersorlutik Oqartussat, kommunini pineqartuni aningaasarsionikkut suliatigut annertusisoqarnissaanik patsiseqarlutik, assortorneqarsinnaanngitsumik kommunit aningaasaqarnerinik pitsannguisussat, kommunimut attuumassuteqarfigineqartumut ataatsimoortumik tapiissutinik appaaffiginninniaratik.

Tamatuma assinganik, kommunit aningaasaqarnermi inissisimaffiannut suli pitsanngorsaataanerumik, avataannit suliaartortunik tamakkiisumik akileraaruteqartitsinermit atugassaqartinnerinut, nalinginnaasumillu akileraartinninnerinut sanilliullugu, taarteqartitsivigineqarnissaat patsisissaqartinneqanngilaq.

Naalakkersuisut, avataaneersunik tamakkiisumik akileraaruteqartitsineq matumani pineqartumi, sumiiffimmeersunik sulisoqarnissamut sanilliullugu unammilleqatigiinnermik equtitsisutut patsisitut akuerinngilaat. Sulisartup avataaneersup pineqartumi suliat suliarisassai tassaapput sumiiffimmeersup suliarisinnaanngisai piginnaassutsit immikkut ittut imaluunniit naammattumik pisinnaasunik sulisussaqaarnermik amigaateqarneq pissutaallutik.

Tamatuma saniatigut KANUKOKA-miit tusarniaanermut akissutitut oqaaseqaatinut innersuussisoqarpoq.

Mittarfinnut pilersaarutitut piginneqataanissaq, KS-imiit kissaatigineqarpoq.

Mittarfinnut pilersaarummut piginnittuuneq Inatsisissamut Siunnersuutip sinaakkutaasa avataaniippoq. Manna Inatsisissamut Siunnersuut akileraartarnermut tunngasunut attuumassuteqarpoq.

Kommune Kujalleq (KK)

KK-miit aallaqqaatitut eqqaaneqarpoq, tuaviuussamik kingusissumillu tusarniaaneq pissusissamisuunngitsaq.

KK-miilli sumiiffimmeersunik sapinngisamik amerlanerpaanik sulilersitsinissamik qulakkeerinissaq sulissutigiumaneqarpoq, piumasaqaatigaluguli tamakkiisumik akileraaruteqartitsinermut ilusilersugaq pilersaarummut sumiiffimmeersunik sulisoqarnissamut pitsanngorsaannissamut periarfissanik ajortumik sunniuteqassanngitsaq.

Qulaani nassuiaatigineqareersutut sumiiffimmeersunik sulisunik sapinngisamik amerlanerpaanik atuinissamut ajortumik sunniuteqassanngitsaq Siunnersuut nalilerneqarpoq.

KK-miit nalilerneqarpoq, matumani Inatsisissatut Siunnersuummi Qaqortumi nutaamik mittarfiliornissamik sanaartornissamik pitsaaqutit ajoqutininnaaniit amerlanerusut, taamaattumillu taamaakkaluartoq Siunnersuummik akuersisoqarnissaa taperserlugu.

Kommunit paasinninnerat Naalakkersuisut nuannaarutigaat

ILANNGUSSAQ 3

Til: Departementet for Finanser og Skatter

OED@nanoq.gl

13.november 2017

j.nr. 00.07.02

Brevnr 17-1-492

Att: Per RP. Nielsen

PNIL@nanoq.gl

Tursarniaaneq una pillugu : Tuaviortumik-tusarniaaneq: EM 2017/38 Inatsisartut inatsisiliaat-nit isertitat aallaavigalugit akileeraartarnermut allannguuteqarnissamut siunnersuut (akileraarutit peernagit mittarfiliornit , PFA il-il.)

Kommune Kujalleq qujavoq tusarniaanermi akissuteqarnissamut periarfissinneqarami. Kommune Kujalleq aallaqqaasiutigalugu erseqqissaatigerusuppa , taama kingusitsigisumi aammalu taama tassangaannartigisumik tusarniaasoqarnera.

Kommune Kujalleq-up erseqqissaatigissavaa assut uggorimmagu , kommunit avataaniit suliarortunit akissarsiat akileraarutaat iluanaarutigissannginnamiuk. Annerusumilli Kommune Kujalleq-up nalilermagu pingaartillugu , mittarfiliornissap piviusunngortinnissaa aammalu Qaqortup mittarfia minnerpaamik 1500 meteriunissaa aammalu 2020 atoqqaartissinnaanissaa.

Mittarfiliortoqareernerata kingorna , Mittarfiup iluaqutaanissaa, ineriartornikkut aningaasatigullu isertitsiffigisinnaanera Kommune Kujalleq-mit annerusumik pingaartinneqarpoq.

Kommune Kujalleq-li pisinnaasani tamaat nunaqavissut sulisinnaanissaat piviusunngortissallugu aammalu akileraarani suli isertitat ajortumik kinguneqannginnissaat suliamullu nunaqavissut sulisinnissaat sulissutigissallugu.

Kommune Kujalleq siunnersuummut oqaasertaleeqqinnissaminut pissutissaqanngilaq, 2018-mi Qaqortumi mittarfiliornissap aallartinnissaanut , Mittarfiullu 2020-mi atoqqaartinnissaanut qilanaalereerpugut.

Inussiarnersumik Inuulluaqqusillunga

Kiista P. Isaksen



KANUKOKA

Kalaallit Nunaanni Kommunit Kattuffiat • De Grønlandske Kommuners Landsforening

ILANNGUSSAQ 4

Til: Departementet for Finanser og Skatter

OED@nanoq.gl

Ulloq/Dato: 13-11-2017

J.nr. 06.05.01.G01.1.16

Att: Per RP. Nielsen

PNIL@nanoq.gl

Tursarniaaneq una pillugu : Tuaviortumik-tusarniaaneq: EM 2017/38 Inatsisartut inatsisiliaat-nit isertitat aallaavigalugit akileeraartarnermut allannguuteqarnissamut siunnersuut (akileraarutit peernagit mittarfiliorterit , PFA il-il.)

KANUKOKA tusarniaanermut akissuteqarsinnaatitaanini qutsatigaa.

KANUKOKA.p iluarinngilaa, siunnersuutit kommunini missingersuutiliat tamangajammik naammassereersullu aatsaat nassiunneqarnera.

KANUKOKA-p kissaatigerpaavaa, mittarfiliortiterni nunaqavissut tamakkiisumik sulisorinia-meqarnissaat, aammalu isertitat sulii ilanngarnagit periutsip ajoqutaanngitsumik nunaqavissunik suliassanut sulisoqarnissaa.

**Inussiarnersumik
Med venlig hilsen**

**Simon Simonsen
Formand**

Siunnersuut una pillugu: Inatsisartut inatsisiliaat nr.xx –mit xx. Xx 2017 inatsisip aningaasarsiat akileraarutaasa allannguutissaa pillugu

Kommuneqarfik Sermersooq ima ittumik siunnersuummik tigusaqarpoq: Inatsisartut inatsisiliaat nr.xx-mit xx-xx 2017 tusarniaaneq inatsisip aningaasarsiat akileraarutaasa allannguutissaa pillugu.

Allakkami matumani siunnersuummut ukua attuumassuteqarput § 1, siulleg 1, nr.3 aamma 4, [inatsisit aningaasarsiap akileraarutaannit § 68, aappaat 2, nr 7 aamma § 72 a , siulleg 1,1 . naggat]

Aallaqqaasiullugu Kommuneqarfik Sermersooq-p maluginiaqquaa, kommunip akuersaarsinnaammagu, mittarfeqarfissat aningaasalersornissaanut, allaanerusumik pilersaarusiornissaq pisariaqartutut isigineqarmat, tamannalu suliaq kommunip sanaartornemi maannamut pilersaarutaani pingaaruteqarnerpaatut inissisimammat

Nuuk-p mittarfissaanut sanaartornissami missingersuutaasuni 1.300 mio.kr-nit missaat atorineqarnissaat ilimagineqarpoq Nalinginnaasumik sanaartornemi aningaasartuutit 40 %-iisa missaat akissarsiasaanut tuttussatut missingersorneqartarput. Taakkulu uani pineqartumi kisitsinngorunik 520.mio kr-nit missaaniissapput. Taakkulu massakut Kommuneqarfik Sermersooq-mit maannakut atuuttumik aningaasarsianit akileraarutigineqartartunik 42%-iusumit akileraarutigineqarpata, ataatsimut 218 mio.kr-nit akissarsianit iluanaarutaasussatut missingersuutigineqarsinnaapput. Taakkunanngalu kommune 135 mio.kr-nik (26%-usunit) iluanaaruteqassaaq, Selvstyre 52 mio.kr (10%-usunit) iluanaaruteqartoq ,) Kommunit ataatsimut akileraartarfiannut 31 mio.kr-nit (6%)-inik iluanaaruteqassallutik.

Siunnersuut attatiinnassappat ilanngaateqanngitsumik akileraarut 35%-iusoq Selvstyre.mut 182 mio.kr tungaannut iluanaarutaasussaavoq.

Namminermini siunnersuut oqariartuuteqarpoq,siunnersuutip namminermini ersersimmagu sulisut avataaneersut tamatumani sunniuteqarnissaat, siunnersuummi naleqqiussami uani pineqartumi. Taamaakkaluartoq siunnersuummi tamanna erseqqarissarneqaranilu arlaatigut takussutissiorneqanngilaq, nunaqavissut avataaneersulluunnit sulisorineqarnissaasa immikkoortitaarneri pillugit, taamaammat tamanna siunnersuut malillugu aningaasatigut qanoq Kommune-mut Selvstyremullu sunniuteqarnissaa naatsersoruminaappoq.

Kommuneqarfik Sermersooq-p taamaattoq siunnersuut tutsuiginanngitsutut isigaa, mittarfiliornissami aallartisarnermi sanaartornemi suliniummi namminermini illoqarfimmuut attuumassuteqarpallaarnera pissutigalugu, soorlu talittarfiliornit, nuna tamakkerlugu suliffeqarfiliornit, tamakkulu assigisaat soorlu nuna tamakkerlugu napparsimmaveqarfiliornit, ilimmarfik , il.il. Kommuneqarfik Sermersooq-llu tamanna siunnersuutip akileraarnikkut immikkoortiterinerni naleqquttumik , allaanerusumilluunnit inissisimaneramik uppersaatissaqanngitsutut nalilerpaa. Taamalilluni siunnersuut periarfissanik

isummersuutaasinnaasunik matussusiivoq, siunnersuutit arlaat , sunaluunnit Namminesortut suliakkiissutaat akileraarnikkut "immikkuullarissumik" suliarineqarnissaat ilimanaateqalerluni.

Siunnersuummi aporfiit annersaasa ilagaat, nunaqavissunik, nalinginnaasumik nunatsinnut akileraartussanut, isumaqatigiissutit malillugit akissarsiaqartunut sulisitsinissaq iluaqutitaqangitsutut siunnersuummi ersimmat. Taamaalilluni Nuummi mittarfiliornissaq qaffasissumik ineriartortumik inissisimanissani annaassammagu.

Kommuneqarfik Sermersooq taamaasilluni sukkulluunnit allatut periuseqarnissaq piumaneruaa, nunatta avataaneersut, nammineq nunaqavissunit sulisinnaasunik ajunnginnerusumik periarfissinneqannginnissaat eqqarsaatigalugu. Sulisunut tamanut atugassarititaasut assigiimmik oqumaaqatigiinnissaat Kommuneqarfik Sermersuup sanaartornermi iluanaarutaasussanik pingaartinneruaa

Taamaammat Kommuneqarfik Sermersooq ima tullerriaartumik siunnersuutissaqarpoq. Siunnersuut § 1, siulleq 1, nr.3 aamma 4, peerneqassasut. Tamatumalu saniatigut nalinginnaasumik allat illoqarfiit sanaartorfigineqartarnerisut , inuinnaat akileraarutaat nalinginnaasumik piuaaffigineqartassasut. Nikinganerujussuaq sulisitsisuni atorunnaassagaluarpoq aammalu naligiimmik kikkunnt tamanut atugassarititat assigiilerlutik.

Saniatigut Kommuneqarfik Sermersooq aammaarluni isumaqatiginninniarneq neqeroorutigeqqikkusuppaa , mittarfiliorniarnerni ataatsimut piginneqatigiinnissaq aammalu siunnersuutit § 1, siulleq 1, nr.3 aamma 4, atorunnaarsinnissaat.

Siunnersuutip ilaani oqaaseqaatit imatut allaqqapput , "maani nunatsiniitsilluni avataaniit sulisoqassappat , sulisitsineq aalajangersimasumik killilimmik inissisimatillugu , amerlanertigut tapiissutit soorlu meeqqerivinni, atuarfinnullu tapiissutaasassapput. Taamatullu inissisimasoqartillugu, pisortat tapiissutaat atorneqarnerani, amerlanertigut peqqinnissaqarfiup iluani atuinerit nunatta karsianit aningaasaliiffigineqartassapput" aamma nangeqqippoq "tamanna aqcutigalugu eqqumaffigisariaqarpoq mittarfiit illoqarfinnut attuumassuteqartunut, pisortanit aningaasartuutit kommuninit atortussaatinneqartut , ilimagineqassammata mittarfeqarfiliornermi anginerunissaat, soorlu aatsitassarsiornermi illoqarfinniit avanngasissumi inissisimasuninngarnit."

Tamanna takussutissaavoq, siunnersuut - ajunngitsumik siunertaqaraluarluni - DUT –princip (Namminersortut kommuninut illersuisussaanagerat)-nut unioqutitsinerussammat, soorlu Aningaasaqarnermut inatsimmi 2017-meersumit allaqqasoq , nalinginnaasumik nalunaarsuiffiit (qupperneq 97 qallunaatuumi), Kommunit suleqatigalugit missingersuusiornerni isumaqatigiissutit ataani allaqqammat "illuatungeriit missingersuutini isumaqatigiissummi , missingersuutit pillugit isumaqatigiissummut illuatungeriit tamakkiisumik oqimaaqatigiittoqarnissaanut tunngaviup atornissaa (DUT-princip) suliniutini Kommuninut kinguneqartinneqarsinnaasuni isumaqatigiissut atuutsinneqarnissaa.

Dut-princip naligiissarnissamut periusiivoq, naalagaaffimmit tapiissutit ataqatigiinnissaanut isumarnaarsisoq, Selvstyre malittarisassanik allannguigaangata kommunit aningaasaqarneranut attuisussamik. Tamassuma imarissavaa naalagaaffiup tapiissutaasa nalimmassarnissaai, aningaasartuutit kommunini kingunerinut. Periuseq taanna illuatungeriinnut tamanut atuuppoq, kommunit aningaasartuuteqartiinneqarpata imaluunnit aningaasartuutininik suliamut oqilisaasoqartillugu.'

.Tamatumunnga tunngatillugu , siunnersuutit § 1, siulleq 1, nr.3 aamma 4, kommunep akileraarutinut iluanaarutissaai 135 mio.kr-nit tungaanut amerlassusilinnik arsaarneqassaaq, saniatigut mittarfiliortut pisortat aningaasartuutaanik ilanngaanissaanik aamma ilimageriissavaa kommunep pisortatut akeqanngitsumik kiffartuussineranik, tamannalu (Dut-princip)-pimut unioqqutitsinerussalluni, Selstyrep eqqumaffigalugulu akisussaaffigisariaqagaanik.

Tamaasilluni Kommuneqarfik Sermersooq naggataagut Selvstyre piunasaqarfigaa mittarfiliorterit nalinginnaasumik inuunnaat akileraartarneranik inatsit atuutsinneqassasoq, sulisut mittarfiliortermit tamarmik nunaqavissuugunik avataaneersuugunilluunnit assigiimmik pineqaqqullugit.

Kommuneqarfik Sermersooq neqeroorutini ammaqqippaa mittarfiliortitsinermit piginneqataasutut inissisimanissani.

Inuss. inuull. · Med venlig hilsen · Kind regards

Troels Tolstrup Pedersen
Økonomichef

Handwritten signature in blue ink, appearing to read "Troels Tolstrup Pedersen".

ILANNGUSSAQ 6

Brevdato 14-11-2017

Afsender Preben Rasmussen (Udv. Sagsbehandler,
Finansdepartementet)

Modtagere inatsisartut@inatsisartut.gl (inatsisartut@inatsisartut.gl)

Akttitel EM2017/38_Finans- og Skatteudvalget_Høringssvar,
høringssvarnotat og følgeskrivelse_indkomstskat

Identifikationsnummer 6621620

Versionsnummer 1

Ansvarlig Preben Rasmussen

Udskrevet 27-09-2018

Til Inatsisartut
Finans- og Skatteudvalget

Fremsendes til videre behandling.

Inussiarnersumik Inuulluaqquillunga
Med venlig hilsen
Best regards

Preben Rasmussen
Afdelingschef



NAALAKKERSUISUT
GOVERNMENT OF GREENLAND

Aningaasaqarnermut Naalakkersuisoqarfik/Finansdepartementet

Aqutsinermik Allattoqarfik
Ledelsessekretariat
P.O. Box 1037 . 3900 Nuuk
Oq./Tel.: +299 34 51 12

prer@naanoq.gl
www.naalakkersuisut.gl